


龜山全集

卷三十七至
卷四十二止



漢書門類		三	四	九	八	二	類
一	〇	三	六	函	架	冊	

內閣文庫		三	四	九	八	二	類
三	九	函	二	二	架	冊	

內閣文庫		漢	3482
冊數	10	(10)
函號	315	112	







龜山先生全集卷之三十七

銘表碣八

張安時墓誌銘

公諱某字安時姓張氏高祖照仕南唐攝汀州幕官
遭亂退居沙縣故今為南劍州沙縣人曾祖某祖某
不仕父某以公貴累贈正奉大夫母鄧氏贈碩人公
力學有文甫冠中熙寧九年進士第調興化司

戶叅軍福州閩縣主簿改江州錄事叅軍監湖州新
市鎮開封府東明縣酒稅務試學官中選除建州教
授未赴改宣德郎知德州德平鎮上皇嗣位賜緋衣



淺草文庫

龜山先生全集卷之二十一
銀魚召赴闕除宗子博士通判無為軍除太常博士
賜對稱旨除監察御史遷工部員外郎逾年出知興
化軍還朝除知信陽軍入為兵部郎中以郊祀恩賜
三品服知廣濟軍初為御史會四郊齋宮以內侍董
其役畿邑騷然公請付將作而後民得不擾在京百
司皆隸臺察而閣門殿中監多嬖倖持權者蒞其職
獨不與怙寵自肆弊尤甚無敢誰何者公請隸臺察
如他司上從之未數月復如舊公由是乞罷臺職章
再上遷郎曹其在信陽朝廷下京西市金炭淮康鄰
壤也支邑十義陽兩邑而已所敷如以康十之六民

以偏重訢之而前守不加卹公下車曰守令民之父
母民猶赤子也其可坐視其重困乎即致書漕臺辨
析之甚力卒如所請乃已民賴之不為橫斂所困其
去思至于今不忘京東歲薦飢盜賊蜂起民流亡相
屬於道有旨蠲其賦租以賑卹之公既免租而定陶
屯兵逾萬人廩無見糧遂奏乞支降金穀贍軍時相
怒而以二租不當免官言路論之為非辜上悟復官
還舊治已而遇疾遂引年而歸公為人敦樸夷易遇
物無城府洞見心膂一言之出終身可復平居卷不
釋手自六經諸子百氏書一經目輒成誦不忘下至

科舉之文亦無所不記每春宮較藝舉天下士公多與焉晚學無根類以剽截襲前為工公一燭之皆莫能掩也人服其明其後門生登臚仕居要津者不可勝計而公不一至其門其外勢利恬於進取蓋如是元祐中禮部侍郎楊公畏以賢良方正薦公未及居而科適罷士論惜之歷仕五十餘年以清約自將歸無餘貲而與兄弟同其有無不以一毫私於已為子孫後日計也初右司諫陳公瑩中論蔡氏兄弟忤旨竄嶺南方京卞州事之時雖親戚故舊皆諱言其名公獨附置郵通問不絕人皆為公危之而公自若也

非篤於風象不為刑禍所移寧有是夫故孝弟著於鄉行義信於朋友惠澤加乎民人無賢愚皆知其為君子也自宣德即九遷為朝議大夫以疾終於正寢實建炎二年八月念九日也享年七十有三娶鄧氏先公卒贈宜人子男三人周輔迪功郎亳州城父縣主簿曰周佐曰周俊皆將仕郎女三人長適進士羅宋次適進士陳應求次適宣義郎直龍圖閣主管江州太平觀胡寅孫男二人女二人既卒之明年其孤將以十一月初五日葬公於湖山之陽先塋之左以右正言廖公剛之狀來請銘余於公有同年之契朋

友之恩義不得辭乃為之銘銘曰少年登時歷事三世不此不隨獨行其志儉以持身富以多文瘞銘新阡以示後昆

樞密曹墓誌銘

宋興臣一海內養息天下幾二百年民生戴白不見兵革自三代而下承平之久未有如是之盛也崇寧以來大臣肆為蔽欺盤游無度侈汰日滋諛言盈庭而法家拂士不容於時故上下俱溺於燕安鵠毒而暝眩之藥弗進天下病之無敢言者是時樞密曹公為秘書省正字獻書盡言犯而無隱上皇優容之初

不加怒有旨赴都堂問狀宰臣王黼詰之意有在焉而公語不酬黼怒翌日編管柳州人皆為公危之公獨怡然自若雖名隸罪籍而清議翁然歸之以為公輔弼也淵聖嗣位召為御史自御史六遷為延康殿學主簽書樞密院事從人望也公諱輔字戴德南劍州沙縣人曾祖暹贈正奉大夫曾祖妣鄧氏咸安郡夫人林氏齊安郡夫人祖寶臣宣德郎致任贈正奉大夫祖妣鄧氏高平郡夫人考孚贈宣奉大夫妣羅氏咸寧郡夫人公幼穎悟絕人大父常竒之謂異日大吾門者必此兒也元符三年中進士第調福州寧

德縣尉以宣奉公卧病乞侍養丁母夫人憂未除丁
宣奉公憂服除調壽州安豐縣主簿改通仕郎試中
詞學兼茂科特轉文林郎除一月勅令所刪定官改
宣教即乞補外通判安肅軍用年勞轉奉議郎除主
管南外宗室財用未一月除秘書省正字磨勘轉承
議郎上書編管柳州坐廢六年量移袁州初在安肅
兼權場事得旨市北珠公奏疏其畧曰以彼錙銖之
物易吾億萬之資彼誠以此養士則士勇以此賞戰
則戰勝是借寇兵資盜糧也上悟而罷靖康初召還
被旨引對論事畢上曰朕所慮為無將也公曰昔漢

高祖得蕭何為丞相何進韓信為大將軍屬以兵柄
卒成帝業相得人則韓信出矣無將亦非所慮他日
又論漢用蕭何而得韓信漢王失軍亡眾跳身遁者
數矣何嘗從關中遣軍補其處非上所詔令召而數
萬之眾會與楚相守滎陽數年軍無見糧何嘗轉漕
關中給食不乏夫將與兵食當是時無急於此三者
而何獨辨之則天下大計在得一相而已今宰相縱
不能如何所為蓋亦各輸所長兼採眾論夙夜勤畏
協心戮力共濟艱難以成中興之業乃因循苟且日
復一日無肯以身任責者遂至緩於事機誤國大計

此而不徵後將何悔願正其因循苟且之罪而罷黜之
因而奏曰陛下用此數人於艱難之際敗事必矣上
曰卿姑待之公曰國家存亡在此一舉不容猶豫上
曰朕已有處置次日奏事罷徐進曰臣前論宰執陞
下語臣已有處置未見行遣臣言官論列大臣勢不
兩立以臣言為是乞早施行不然臣且有罪不復居
此職退而居家待罪上于詔褒諭遣中使押令供職
又乞以河北河東陝西三路有習知山川險易出入
向背繪為三圖以進探摺控扼形勢之地以究知分
屯戡守制敵之要遣將出師則按圖指蹤而廟筮決

矣又言王雲出使遣人回奏大金意欲得十六字故
號及玉輅衮冕儀物之類且云不復索三鎮朝廷釋
然解憂歡惟尊借大為不可加之語以崇奉之乘輿
上服徑推排出境以為屈已愛民社稷大計當如此
臣竊以為社稷大計在此一舉誠不可忽然或者寬
憂於一時而不知移禍於異日將使天地易位神民
失歸逆行倒置有不忍言者為患為辱古未有也何
以言之豈與之以如是之名彼將緣名而責實既與
之曰如是之器彼將緣器而致用一二年間或以觀
兵較獵或以省方巡狩為名悉其國衆進壓我境後

通鑑卷一百一十五

辭大意以稱令我自謂據域中畏大臣妾海宇當是時俛首而聽之乎抑猶有以却之也却之則強弱不敵禍且甚於前俛首聽從則天地安得不易位神民安得不失歸乎又引魯仲連却帝秦之說以為證累千餘言曲折詳盡此其大畧也公在試院中聞諸奉使計議人並改為和議左右一二輔臣諫不協遽圖引云公奏疏曰今之議者一於和非也一於戰亦非也一於和則虜勢憑陵國威沮折三鎮之復尋前約一於戰則堂堂二百年基業決成敗於交鋒之間其危甚矣臣願以和為名以戰為實二者不可一廢惟

吾先後用之耳上深然之即試院中除諫諍大夫及出院又言金使王訥以和為名朝夕到闕恐謀國之臣便以甘言軟語為敵責情或至緩備墮點虜計中則前日之禍踵而至矣因論朝廷宜急而緩者五事以獻如邢洛磁相當虜南衝而不命將分兵圍集民伍置屯列寨之類是也皆一時要務未幾遷給事中公言臣章疊至數百紙其間施行十未二三陛下雖虛心聽納而人臣置而不用諫臣失職負不知忝之罪敢復冒榮而進乎懇辭不允左右或為上言擢曹輔賓諫垣今論事忽有移命得無以為厭聽納乎

龜山先生全集卷之二十一
上曰曹輔遇事輒發歛怨多矣姑令就閒耳不旬浹
除御史中丞是時何臬罷中書侍郎兼領開封府事
春遇猶厚公稱謝中即奏臬輕儆不可任及虜渡河
公即奏曰去歲虜寨城外西北地勢卑下不知決水
灌最為失策今分城中兵數萬出據東南劄連珠寨
以接外援虜營西北引水灌之必得其利上以為然
宰相唐恪曰水可決城中兵留為根本不可出公曰
兵留城中用兵之死法恪堅持不出兵先決水浸西
北東南無兵為虜所據遂絕外援及除簽書樞密院
而金虜犯城已三日矣何臬以宰相領守禦公副之

臬忌公奏遣報謝虜軍公留虜營七日而歸臬方信妖
人郭景用六甲兵募市井無賴數千堅將出戰公曰自
古用兵未有以妖術成功者力爭不從以病乞解机務
凡三章未報京城已失守金人以今上頌大元帥握重
兵在外不自安欲令迎還京師朝廷不得已遣公往與
仁府迎之公密啟上曰方今外援獨康王耳不若留在
外使虜猶有所憚上曰卿言盡是但得一公文回報足
矣公至與仁以其情語守遂收公文以歸虜欲邀蓋輿
出郊議未決何臬奏事出云車駕翌日出郊公遽云虜
意殆不可測此行恐與前日不同臬厲聲詆公公又率
馮澥共說之澥與臬同鄉齒長冀幸一聽臬不從及幸

虜營至北狩皆如公所料虜將北去遣使押公還時張
邦昌僭立已二十餘日矣既歸私室卧病不出邦昌屢
脅公視事卒辭之以死自誓潛以書遣大學士楊愿陳
抃獻今上會上遣宣贊舍人黃永錫至京師公因其述
園城及遭變始末附以進遂奔濟州迎駕後至南京首
陳五事一曰分屯要害以整兵伍二曰疆理新都以便
公私三曰甄收人材駕御用之共圖勲烈四曰恩威並
行叛而討之服而舍之五曰裂近邊之地為數鎮以謹
防狄上嘉納之及上即位赴召立行事畢即奏言臣
比備位樞府以至宗社失守乞賜誅殛不許差內侍
押赴都堂依舊供職是日潯傷暑病告假因亡章待

罪明日宣對面諭曰前執政獨留卿又以疾辭何也
特給假宣醫早晚內侍存問連一三章乞致仕未允
以五月丙申薨于位享年五十有九訃聞上為之震
悼賜水銀龍腦以歛仍賻恤其家許陳乞恩例外特
與長子改京秩勅有司擇日臨奠夫人張氏一再辭
免後之建炎二年十二月丙辰葬于縣治東崇
安洲先塋之右初娶鄭氏先公二十四年卒追封和
義郡夫人再娶張氏封永嘉郡夫人長子紳承事郎
次綸綬總補承奉郎女適承事郎羅永二適將仕郎
林次膺次適進士鄧士饒季未筭公天資孝謹仁施

宗族而義著朋友第軼幼鞠於季父後復歸公盡以
所得貲產與之不少留士貧歸之解衣推食無吝色
自少刻意力學知名於時涖官臨政所至有能稱更
歷縣道救荒賑飢民賴其力多矣然在公為不足道
故不復縷載有籟鳴集十五卷南行集十卷奏議十
卷藏於家既葬其孤不遠數舍來請銘乃為之銘曰
曹氏之先仍世不逢潛光于幽公奮自躬位卑志豪
言人所難負罪南遷隨遇而安靖康之初方時多虞
虜騎憑陵庭論紛如天下念公邦之道直亟命賜還
薦膺顯秩進居宥密知無不為奉辭于虜全璧而歸

天地易位挺然一節濟流貫河在汚而潔公之清名
宜載鼎彝作此銘詩用庶厥垂

樞密鄭公墓誌銘

建炎三年七月戊子樞密鄭公薨于位其子璵將以
紹興三年十一月乙巳葬公于建州城衛紫芝山以
書屬予銘予與公昆弟游非一日也義不得辭乃序
而銘之公諱毅字致剛姓鄭氏其先光州固始人唐
僖宗時避亂從王潮入閩居建城南鄉之龍池故今
為建州人其上世皆晦迹不仕至公之皇考宣奉公
始以詞學擅名鄉邦勵諸子以學相繼登科皆有聞

於時公其季子也政和八年以貢士第除安陸教官
待次權尉于信陽用捕盜功改承務郎監南康酒稅
中司陸德先侍御史鄭滋薦為御史臺主簿金人入
寇中都失守上以元帥摠戎于濟滌公挺身歸之從
至南都上即位除監察御史明年被上旨治嘉興獄
回稱旨遷司諫累章乞移畢金陵控大江以為阻因
忤大臣意事雖不行上深知之遷諫議大夫明年金
人復犯維揚公扈從渡江上面諭曰不用卿言以至
此及駐蹕錢塘苗傅劉正彥逆亂以上為虜聖皇帝
冊皇太子即位公庭立向所之不能奪私竊謂逆賊

凶焰熾甚非結外援無可為者乃上章待罪求去將
北走平江金陵與呂頤浩等議興復計太后降詔不
允遷中司二凶竊威福之柄肆行殺戮日至都堂侵
秉機政公謂便宜軍法行之所部士卒可也餘當
聞諸朝廷付之有司都堂國論所從出非外遷之臣
可得而與也抗章力言之乞告示傳等宜一遵典法
章留中不下公對懇請降付三省施行亂臣雖以橫
逆加臣死職不當避也章下傳等果出怨言然亦少
戢矣又聞以簽書樞密召呂頤浩以禮部尚書召張
浚分張浚兵令以五百人歸陝西而浚不受尚書之

召浚不肯分所部兵遂謫浚以散官居郴州擢俊以
節度知鳳翔公知出傳等姦謀假朝命使外無疆兵
謀臣内生變亂得以自肆遂具章乞留呂頤浩知金
陵浚不當謫降即遣官更姓名微服為賈人徒步如
平江見張浚等具言城中事合嚴設兵備張聲勢持
重緩進使其自遁無致城中之變驚動三宮此為上
策浚等聞知皆感激奮勵為赴難計又忽宣詔以上
為皇太弟天下兵馬大元帥幼主為皇太姪監國公
震恐不知所為即與大臣進議以為在廷公卿百司
羈吏皆昔之臣屬也今則與之比肩事主矣稽之於

古則無所取法行之於今則實逆天道或者謂為大
元帥可以任軍旅之大事臣竊以為不然昔舜之禪
禹也猶命禹徂征有苗則禹雖受禪而征伐之事舜
猶親之也唐之睿宗傳位皇太子以聽小事自尊為
太上皇以聽大事如是無不可者則稽之於古為
有法行之於今為得宜太后依舊垂簾同聽政以安
人心其命遂已既而義師西向上復位公之力為多
也遂除簽書樞密院事上降御筆手詔獎諭有景想
節義之言其事可知矣車駕既還建康留公彈壓謂
左右曰鄭某兵民所信愛故令護太后駕須其至將

國任焉其忠義結二聖之知益如此公自春徂夏夙
夜盡瘁至忘寢食因感暑濕得腹疾四日上猶令赴
省議事疾甚有旨宣醫不效遂不起享年五十訃聞
上嗟惜久之前一日皇太子薨上顧謂大臣曰朕嘗
元子猶能自排遣鄭某訃至殆不能釋也褒贈之典
皆度越夷等特賜田十頃居室五十間以撫其孤曾
大父諱仁順大父諱嵩以公貴贈正奉大夫父鎮故
任登仕郎贈宣奉大夫母游氏贈普安郡夫人娶張
氏朝奉大夫微之女封齊安郡夫人有賢行配公無
違德閨閣之內雍如也公將葬夫人以九月丁卯卒

于建安之私第享年五十有五男二人長曰與承務
即簽書邵武軍判官廳公事次曰珙承奉郎孫曰繼
祖承務郎皆尚幼公於艱危中薦歷臺諫章數十上
皆人所難言者非安危所繫皆略而不言著其大節
而已事之本末於公自叙之章可以槩見有旨章告
中外不可誣也銘曰烈烈鄭公逢時多艱徇國忘身
為世大閑抗言于庭妖凶屏息天位復常繫公之力
守節不渝載之宸翰大哉王言炳若星煥弗磨弗切
惟石之堅刻銘幽宮萬世之傳

墓表

居士余君墓表

居士余君諱适字永叔南劍州將樂人也祖諱可父諱思世為田家以貲自雄至君始業儒為鄉進士其為人稠儻喜任俠赴人之急惟恐不及雖陷憲網瀆死池弗顧也四方君子過吾邑者必歸焉有無共之雖倒廩傾因弗吝也晚益豪放以詩酒自娛尤喜讀列子之書家無留藏悉以資宴游之費歌呼談笑至淋漓顛倒而不厭其自視了然嘗曰人生適意耳何苦以廢虐之生自刑也其為詩初若不用意而語輒奇麗至今儕類猶能遺之熙寧九年五月己巳以疾

終于九川之漆坑其弟節以君之喪歸葬于邑之西山是年六月壬子也享年四十有二君娶廖氏後君百有二月卒無子女一人予之室也是時予方舉進士竊名仕籍而君之葬不符隘穴視寔已游宦四方必數年乃一歸而君之墓有宿草矣荒丘之間焉鼠鱗比幾不可識予竊悲君之無後而歲時哀省獨恃吾子孫今其若此可不為之哀識乎故特叙其為人大略揭之墓上雖予言不足以重君尚庶吾後世子孫知其為君之墓而不忘也

墓碣

范君墓碣

君諱某字濟美姓范氏建州建陽人曾祖某祖某父某皆晦迹不仕君生而有英惠自為提孩識慮已有過人者閩中地瘠而人貧俗儉陋常以不足為憂多計產育子雖七人不免者浸而成風恬不以為怪君時五歲聞之惻然適諸母有妊者乃謂之曰他日所生無問兒女願勿棄之生子而弗舉人理不可為也我長立當鞠養之不須以貧窶為念其慈惠蓋天性也六歲即讀書書過目輒成誦日記數千言未成童後師友肆業于魁岸收不與貴游子弟居不少屈以

苟合視膏梁文繡澹如也夙父躡之喜曰吾有子矣夫復何患既冠入太學與之方軌乘馳者皆一時豪士然未能先之也政辭五年登進士第授將仕郎調河南府新安縣尉就除甯州教授官制行改廸功即君在學聲名籍甚宿之士人嚮風久矣既蒞職學者造門授經朝暮踵相躡皆虛往而實歸秩滿士爭詣留不報用為名改送事即初右丞薛公某常自負學有師承為世儒宗聞君名以禮幣延置門下命諸子從游間與一辨析疑義雖逢其族皆迎刃而解由是薛公加敬畏為自符離罷還會薛公被旨編集荆公

龜山先生全集卷之三十一
遺文辟為檢討官僅逾月以疾終于京師甘泉坊
宣和二年三月二十六日也高年六十有一君為人
夷易不事表襮胸中洞然無城府其事親無遠交朋
友有信遇人無賢愚一以誠意故中外無間言博聞
強記諸子百氏之書無所不究如歎然常自以為不
足雖晚暮而志學不衰初娶胡氏故贈朝請大夫其
之女生一男長曰某從事即武安軍節度推官次某

龜山先生全集卷之三十一終

龜山先生全集卷之三十八

詩一

五言古風

此日不再得示同學

此日不再得頽波注扶桑蹊蹊黃小群毛髮忽已蒼
願言媚學子共惜此日光術業貴及時勉之在青陽
行已慎所之戒哉畏迷方舜躬善利間所差亦毫芒
富貴如浮雲苟得非所臧貧賤豈吾羞逐物乃自戕
胼胝奏艱食一瓢甘糟糠所逢義遠然未殊行與藏
斯人已云沒簡編有遺芳希顏亦頽徒要在用心剛

譬猶適千里駕言勿徊徨驅馬日云遠誰謂阻且長
末流學多岐倚門誦韓注出入四寸間雕鐫事辭章
學成欲何用奔趨利名場挾策博塞游異趣均亡羊
我懶心意衰撫事多遺忘念子方妙齡壯圖宜自量
至實在高深不憚勤梯航茫茫定何求所得安能嘗
萬物備吾身求得舍即亡鷄犬猶知尋自棄良可傷
歎為君子儒勿謂予言狂

嚴陵釣臺

漢網久陵遲國柄授權室中興得英主威明戒前失
三公經邦手吏事困情數功臣沙圖全猶不任以臧

矧茲故人分義等天倫感卓哉子陵心秉哲固前識
投身豢名爵豈得任尋尺萬鍾雖云富樊雉非予匹
石瀨清且泚蒼崖聳而直捐竿事幽尋釣水鮮可食
羊裘御冬溫衮繡未云益三旌屠羊肆義在不吾易
用舍各有趣高風亘今昔

冬至日聞雷

土圭日已南百年生有期新陽潛地脉恹恹群陰微
尚覺雲氣昏嚴飈弄寒威狂雷與驟雨奔逐如喧輦
百虫誤驚蟄生理亦已虧向晚怒声息霰雪交餘輝
凌寒山驛旅持盃空自疑

土屋

土屋枕荒陂周回僅容席環堵異營窟猶遺古風質
功雖勞版築身自有餘力依戶鑿圓竇寒光度如璧
戶開迎溫風冬堦可栖息胡為棟宇麗但免風雨阨
安居自寬暇見者徒逼仄寄言鄰舍翁各自遠汝適
慎勿慕華屋澆漓非至德

久不得家書

航彼晨風飛日暮歸鬱林游子尚何得但寄千里心
庭闈斑白親憶念我亦深云何彼無耗徒役夢寐尋
有如在空谷歲久如川行書貴可抵萬金

跌跣步前庭復坐口欬瘠淚墮不自知但覺盈衣襟
人生本無行豈受外物侵即當卧牛衣竹籜橫荆簪

藏春峽六咏有序

國華先生得幽谷於劍水之東去其所居僅一
里餘負山之巔闢地西向為堂名曰咏歸堂堂
下有亭曰老圃亭之前有跡穿數畦其南北有
二茅亭南植梅數株名曰暗香北種紫竹數竿
名曰虛心又其南有一石竇其下可容數人名
曰容照巖合而名之藏春峽其暗香亭以下四
咏見七言絕句
結廬東山阿屹然俯全閩下有黃龍淵浮光抱層雲

彼美谷口翁杖策來往頻明月自為友顧影相為鄰
擷芷佩芳蘭不與麋鹿群虛堂發輝素黃卷日相親
采薇芼晨羹七鳧侑清樽曝日負岩實為童浴溪浦
微吟曳雙屐踏破青苔紋歸與自樂只此意將誰論
點狂聖所與聊欲繼餘芬

右詠歸堂

昔君居隱鱗投竿拂珊瑚國華故居有隱鱗洞前有釣臺今來寓
谷口結亭事春鋤亭下十餘畦蔚蔚富嘉蔬野果街
朱甍蔓實垂青符雜根有導鷓晨炊勝彫胡豈惟兒
君腹鄰里亦厭餘疏泉動山脉繞確成膏腴涼波漢
陰人假脩匪吾徒避俗柴桑翁不疲噴荒蕪峯懷經

綸手治平此一畝居知子非隱淪聊以寓壯圖人生
出處分禮義安可踰茲謀異樊須甘事小人儒

右老圃亭

送處守楚大夫

元祐戊辰

象緯辰心次雄都水濁時經天浮瑞彩絕代出英姿
厚德千金壁虛懷萬頃陂霜蹄米漢苑雲翻上天池
籍才猷美皇使節馳飛書騰眾吻橫穿實通達
剖竹章流遠還車蜀道巖除成都憲以臺章羅得處守秦庭徒被
指趙壁本無玷黃霸初勤細裴公可範規惠流三郡
俗名掩四賢祠大厦資梁棟承祀賴鼎彝會須紆袞

繡寧久駐旌麾畫航行空挽甘棠去益思烟波迎棹
急江柳拂墻低賤士行藏拙參軍秩序卑生涯惟蠹
簡事業付毛錐懶惰文園病伶仃曼倩飢自甘同駘
鼈未忍舍羈籠朽資難雕繪餘生辱品題寒交回暖
律陰壑得晴曦終愧塵頭賤難酬國士知兩行淵客
淚感激自沾頤

縣齋書事寄張世賢

朝衙群吏集戎戟同隊魚暮衙群吏散翩翩若鷺鷥
歸來坐虛室開編對瑤璣啓戶聞無人清風入吾廬
持盃邀明月大嚼時與俱跼蹙步松陰對影聊相娛
嗟予懶惰久濶略與世疎故人隔清湘懷抱何由舒
為問魯山翁此意今何如

黃彥昭時思閣

前有連理檜

孤丘鎖千岑層閣跨雲起永懷霜露思時未薦醪醴
欽宗貴叔族蟄々神亦喜故令傲霜根駢枝復連理
黃侯渥注種一躍不容擬慶源如歸墟萬壑自奔止
終見君子鄉乃是鳴珂里

江陵令張景常萬卷堂

民生結繩初異宇本同體誰令四目翁破肉作瘡痂
龍龜出河洛茲理罔天啓張侯瑚璉姿高步軼前軌

買書費千金充屋未云已六經涵溟渤百家襟原委
中流湧千波舉体惟一水參前有真趣萬古一憑几
毫端吐奇芬溢目麗紈綺微言窺聖域妙應期得髓
默坐筌蹄忘斯文亦糠粃

送蔡安禮

眷言與君違寤寐念往昔結歡自童稚分比膠投漆
乖離成參商出沒俱齊汨羲和鞭日御過眼飛鳥疾
五載一相逢俯仰如昨日論情方繾綣念子又何適
行矣不可留倘恍心若失人生惟所遇行止或使尼
况復各宦遊聚散何可一嚶嚶黃鳥声上下示其匹

俛首聽遺音飄零淚橫臆

題愚齋

溪東黃室

結廬依林丘田峰下盤紆下闕清池淵憑軒數游魚
飛閣出雲表浮烟襲簪裾中有傲世士脫畧自謂愚
高義輕羸金貽謀有詩書青編富充宇散秩羅瓊琚
鱗七辯間題一一露珊瑚嗟予久昏塞荒溪少耘鋤
昌黎已隔世將焉問夷塗道逢北山公荷鍾時與俱
皎皎河曲叟朋儕共歎歎高坐一來遊豁然心神舒
籬東有餘址誰能雜榛蕪結茅可容席一瓢來此居
寄謝陶彭澤何必愛吾廬

簾

童氏必大亭

生前作此亭

超遙武夷翁霞衣爛朝日作亭依雲根望壙茲焉息
仙游去不返孤丘已陳迹身雖隸編齊貽謀有遺則
慶流終必大名亭以為識伊昔晉公堂三槐手親植
扶疎滿庭陰貂蟬映圭壁默視天人際召應齊律呂
閭門容軒車茲理固可必終見童氏里鳴珂聲赫奕

江上晚步

赴荆南詩

鏡潭磨青空壁月浸江添攬衣弄清泚烟烟月在掬
冷然造我口甘脯貯米流光頰百變一玩不可復
歸來盡餘樽醉似妍幽思裁娥侶相憐歲往如破竹

餘生枕中付勿問黃梁熟

荊州偶作

鄭公稽阮流野性本麋鹿平生傲羲皇白首就羈束
大寒客無糧官冷飯不足頽予支離人攘臂受餘粟
江魚尾盈尺飽食勝梁肉荆山富樵蘇文室有餘燠
頑踈愧前哲所得踰往躅談經追時好俯仰負愧忸
流光逝不反愁鬢日改綠世道劫火燃不爐乃良玉
晚交定難恃雲雨手翻覆官居真蘧廬束擔聊託宿
求田意雖鄙此計正宜速歸尋谷口耕勝賣成都卜
坐想帶經鋤倚耒聽布谷

送鄭季常赴大學正 修

驅車出西城眷言與君遠北顧臨康衢問子將焉之
赤驥度溼洼終當飲瑤池成都九軌道一躍不可追
浮塵暗荆棘捷徑行多迷長風戰秋林零露沾人衣
青松不改柯期子清霜時

次韻何吉老遊金鑿寺

榮名嗟何為病木自生癭彭殤一夢覺烏用論久頃
寄身淵明廬儵然在人境衛生鄙樊雉放浪任流梗
相忘到形影世累不須屏劉鉞昨自營寧復事干請
負暄有餘燠蓬髮亂垂頸客來坐無擅誰顧廣文冷

忽聞過吾門冠屨不暇整邀我招提游並轡相與騁
僧閑叩禪寂未語心已領並游皆韓徒辭丹泮鋒穎
多聞富如砥吾方拾遺秉顧慙管窺陋未覩豹文炳
謬追俊游後如渴得甘井願從借金篋為割眼中青
鼻端聖漫久妙質愧非郢賡酬因詩律恐坐杜陵磨
相携上層崗出戶畏溪窅每虞參也魯頭步輒三省
遲回月初上雲間掛金餅昏鴉鳴相呼更覺林逾靜
湖光湛星漢渺渺天水永歸蹊暗塵土回首失清景
角声下譙門歸步快脩嶺晚市人迹稀青燈耿踈影

金鑿有退之題名故有韓徒之句

送趙循道赴都講 南陵人

鳳山鬱崔嵬下有千頃陂 南陵鳳凰山大峻極不可
農陂溉田千頃
攀浮光亘長髮自晦冥滴風雨澄淡含環竒吸呼入君
懷萬態羅心脾吐辭麗金腹煥若星斗垂竭來荆渚
游紅蕖照清漪故宮久零落一酒增余輝停族置老
成堯言下丹墀浮駮駕雲帆眷然成化離長裾曳王
門豈比困鹽齏驛駒踏長板萬里誰能羈

送胡康侯使湖南

北溟有潛鱗其質數千里揚鬣厲東海汎汎等蜉蟻
百川競奔注漫不見涯涘寄之天地間大澤壘空耳

胡侯荆山姿妙質又龍蟠龍聲動荒冕持節照湘
功名與時會事道從此始昨驅駕輕車夷塗道九
朝燕慕騰越快意未為喜聖川學須彊一筆虜可
擴之天地寬於道乃云邇為士貴弘教無忘木

寄題趙貫道後樂亭 亭在沂州新泰縣

業祠有狐鳴群雛滿東州彬彬齊魯郊不復論軻丘
鼓刀敗繒翁衮衮封公侯風流日周弊世久俗益偷
昔時戴經人輟耕仍佩牛椎埋晝行盜閭里更相雠
趙子尉平陽始止惟民憂百花爛成園幽禽弄春柔
問子胡不樂我心殊未休威明揉彊授驕鷹化為鳩

買犢解吳鉤束身自鋤耰田廬戶無樞長物弃不收
結亭自樂只開編玩前脩誰云酸寒吏憂樂非自謀
乃知君子懷與世異沉浮嗟予一漫叟放浪猶虛舟
舞雩有清風遺迹今在不君乎去此矣歆往將誰傳
寄言春脈成尚觀一來游

謝詹司業送酒

鄭公負才名流落四十年高視隘八荒天寒坐無燴
忘形賴司業時與送酒錢嗟予樗櫟材臃腫世所捐
云何附青雲拜賜追前賢開壺對青樽內愧顏醜然
公乎廊廟姿直幹上參天袞服群娃宮不虞姑爭妍

驂駟誤一歇萬里終騰騫朝燕暮刷越駕馬安能先
王筮本無瑕寧須事磨鐫宣室久虛席茲行定詳延
陋儒氣填臆感繫脚自宣辱惠不知報強歌成短篇

戲贈詹安世

詹安世有虎牙之句

綠舟駐閩門初與子相識長空為秋隼爽氣橫八極
檣旌鏃圭章吐論森鈞戟鄧侯不願仕志在書竹帛
長纓逐軍于落落蘊奇策氣吞流沙外意無燕然北
虎牙有餘勇戎虜非疆敵會當翻風勁仗鉞控鳴鏑
老夫慈哀謝見子徒感激平生謬經綸此意已寥寂
信武功名會事道古難必窮通付時命未足為悅戚

餘生如鷓鴣滿腹微分畢行矣脫簪纓條然適吾適
安世乃司業之子年未受官

隱几

上天不殞霜萬木正鮮澤青蒿與長松各挺歲寒節
朔風吹沙寒高嶺凍積雪萬木已摧落長松獨清潔
人生無艱危君子竟何別隱几試澄思行藏易差轍

留別富宣德

富侯荆山姿落落混燕石鐫磨經世故不磷乃天質
軒裳儻來寄既去寧須戚驪駒走長坂一跌未為失
秦庭謬瑕疵峴柱終完璧君子有遠懷事道先器識

千鈞等鴻毛始見烏獲力行矣各勉旃他時賴三益

別西齋諸友

浮雲如積酥涼颿勁絃疾溶溶渺天末飄忽易相失
懸弧四方志匏繫非予匹平生結歡久始願膠投漆
別離傷素懷此身任萍迹

遣懷

君子雖自嚴至潔宜若汙昭昭揭日月所向將蝟如
天地一甗中逼亥身亦孤游世在虛已浩蕩與時俱
靈府有天游環中真道樞

元豐壬戌歲暮書事

閩陬地力盡種藝被山谷濟濡一雨潤鬱之原野綠
春風忽云徂舒景變炎煥涼颼動地軸擎欵何神速
坐愁林巒空俯視萬木禿凝霜借風力摧折到松竹
嗟予閉門人感此亦愁蹙幽庭有萱草采采不盈掬
如聞糟牀註取醉須百斛沉酣樂時運天關不須觸
萬物一芻狗蒼蒼自高日

綠漪軒

開池傍清軒環除種蘭芷虛明淡星漢踈影薦鳧履
君乎試憑軒鑑此亭下水盪風生微瀾風定還泚泚
悠然得真趣吉祥來止止

迂踈堂

終南有捷徑屈蠖終當伸君獨耻不蹈安得與世親
結廬寄人寰獨往寧問津形影廢酬贈相忘誰與隣
寄謝漢陰叟抱甕良非真

鄱陽湖觀打魚

小龍廟在湖上崇寧壬午

秋高水初落鱗介滿沙春浩如太倉粟寧復數以粒
紛紛漁舟子疑若俛可捨橫湖沉密經脫漏百無十
虫蝦雜魴鯉駢首吐微濕小人利口實刀杙汗鱗鬣
鯢鯨亦狼狽風雨移窟宅玉淵有神祠變化在嘘吸
胡寧飽羶香忍視萬魚急幽潛不足恃感嘆百憂集

寄謝漆園吏於計未為得

送嚴尉

世路久艱棘青冥翳妖氛孤鳥叢祠中豺虎填城闔
君能摘姦伏竭澤無潛鱗勿云功未酬屈蠖終當伸
飛黃架輕車一躍窮無垠

檢田

尋崙上層崗隨衝出高原烟火一里餘雞犬遙相聞
瘠壤僅容席訟牒徒紛紛齊魏兩蝸角况復三家村
舉世競豪末薄俗寧足論吾衰過元亮欲辨已忘言

送向和卿還京子韶

江湖多秋風愴恍夜不眠念子將北歸起視明星懸
君平翠蚪姿聳身蒼梧淵高步隘八區凌風上青天
妙質蘊荆璞寧須事磨鐫贈言以為別妄意追前賢
聖言乃常珍含咀真味全竒辭暫時好遇眼如飛烟
潔身忌廉潔觸物冥虛船吾方病羸蕭市藥還自憐
明日隔長陂相望空惘然

承祀孫恒英督刻

龜山先生全集卷第三十九

詩二

七言古風 附長短句

酬林志寧

志寧從學河南二程先生

君不見昔時卜年公折龜食墨瀍澗東伊流洛水環
紫宮廣輪千里天地中真人一往不復見昂湖弓劍
空遺殿陰陽所交風雨會和氣自古生英雄邇來百
千歲零落多奇窮鳴臯少室崢嶸倚天闕下有回淵
萬仞蟠雙龍蒸雲結雨氣濛濛惟有蒼髯紫額包玉
珠時發光燄凌烟虹成周太平鬱餘策但令珠泗止

清風羨君妙齡有僊骨乘槎暗與天潢通萬里不一
息去若孤征鴻決開銀河浪分出一派懸秋空傾予
山野姿未老心已慵謬後君子游營道術偶同有如
退之與東野自慙青蒿倚長松感君惠然抵山谷開
談冰雪清吾脰高堂黑髮顏如童未須念此心中忡
幸有山前清泉冷可酌與君啜甘茹草忘春冬

題贈吳國華釣臺

國華自竹記
不取嚴陵

君不見釣黃溪上白髮翁一竿西去追冥鴻田車同
載非罷態鷹揚烈飛如飄風又不見羊裘石瀨垂綸
叟爽槩凌天動星斗萬乘故人親訪求臥對鴛鴦忍

回首聖賢遇合自有時繫身亂倫非所知高風寥寥
吾已往較然得失知者誰君有釣臺臨橘水橘溪不
與桐溪比收身欲攝涓老蹤笑撫長髯照清泚澄潭
夜月秋光浮撇波短艇汭汀州長繩巨石不能繫飛
帆片席歸蓬丘巨鈎沉餌牽九牛一鈎直掣金鰲頭
脩鱗擺鬣浪山起雲鵬飛翻忽千里跨雲憑翼上青
冥一點孤光廁箕尾

贈別蔡武子被誣得釋赴泉州錄參

君不見馬伏波後車薏苡珠璣多又不見章臺秦壁
非有疵相如謬使秦人疑匡章不孝通國非世無子

子知者誰惜君高材兼眾美完德泛來速招毀含沙
怒欲陰中之剛引涇流汗清泚輕雲捲盡天日明容
光竅冗無潛形刮磨玉瑩冰雪凝楚人謾費塗丹青
齊庭有鳥又不鳴會須一舉天衢亨比冥歛起風雷
驚修鱗巨鬣隨波輕不須回首顧潛鯨好乘扶搖九
萬里奮迅六翮飛南冥

入山行

蒼崖峭立青天涯古徑蕪沒沿清溪深林四合晝亦
暝寂寥惟有哀猿啼野人心形灰死如槁木山禽見
之猶驚飛因嗟太古不可復我無機械胡相疑

假山

衡湘側南二千里清淑之氣常蜿蟺丹沙玉石氣所
感融結萬伏非磨鑄窮源荒溪異位畎不途禹績經
棄捐苔封土蝕誰復問嶙峋僵卧當市屢龜山老叟
見之喜鳩徒輦置羅前軒岩堯孤峰露仙掌有一石如掌
屹若太華青摩天傾崖斷壑坐中見葱蒨似玉生雲
烟初疑社龍未死日浮梁擬跨咸池淵神號鬼怒驅
不前捶繫剝磷成衽圈又疑巨人出龍伯揭芋來自
崑崙巔連鰲合負雲濤翻蓬壺簌蕩留平川繫予竟
日倚欄檻矯首便欲追霧仙尻輪神馬自是駕已覺

兩腋風冷然瓊臺浮游與世隔醉傲笑村洪崖肩山
間草木即靈餌含英茹實資長年悠悠廣息變今古
坐看溟渤成桑田

寄練子安教授

憶昨吾子客上都我獨奔走天南隅各年未壯已多
累誤投世經身攣拘飄零今日偶相植乃復咫尺不
得與子俱人生委質金在爐大治鼓鑄誰號呼惟愁
跋跋走塵土舊業已廢成荒蕪惜君高才卓犖與世
所雄文洒落珠陸離雷驚電赫轉坤軸風號浪擊飛
天池珊瑚挺幹滄海竭騏驎超軼不可羈經綸有道

世莫知櫝中良璧始自竒君不見扶藜隘蒼蓬辜屋
短褐甕牖桑為樞擁門軒蓋何所慕藜藿自飽非癯
如又不見楊雄寂寞守太玄弃捐覆瓿真可憐折腰
小吏昔所恥田園須賦歸采篇終當結屋蒼厓巔期
子相與臨清泉投簪解帶謝人世拂塵披蠹親遺編
松皴檜老生青烟雨餘風弄鳴哀絃低回野興有真
意浮名鶴雀過吾前結歡膠漆常連、從游鹿豕終
長年

送富朝奉還闕

紹榮字國華

君不見慶曆承平道如砥馳車八荒同一軌膚人鷓

張怒螳臂百萬雲屯之封豕又不見朔方橫流漲天
起腐麥蛾飛木生耳扶攜道路雜老幼操歌溝中半
為鬼關河日夜刀斗驚嫖書乘駟來渝平兵間持節
得英傑談咲坐使羈長纓青社環城萬區屋發廩分
曹具饘粥饑羸枯頰陡生光叢塚不聞新鬼哭臧孫
有後天匪親閭門客車何足論竭來灘上見猶子雄
姿宛有典刑存驂騑已度渥洼水朝燕暮越應千里
行看玉勒駕鑿輿濯足瑤池從此始

南康值雨

庐山臥龍菴有劉道人自云百餘歲
碧眼不粒食惟食石飲水每客至必
先知之欲往見之
不果故并記之

平沙漲雪清江瀆水花照日紅生鱗軒然五老出城
表雕玉萬仞窺長身雲巾星弁覆華頂飛泉漱瀑乘
天紳平生未識廬山面碧巘橫雲望中見江頭一炬
雨銜天奔浪號風作悲健朝來淤泥沒牛馬咫尺坐
論千里遠芒鞋拄杖掛塵屋神馬尻輪歛飛轉臥龍
庵前碧眼翁日飲山淥滄溪松神融氣合八荒外此
心烟、宜先通未須勤移却俗駕會應一洗塵寰空
寄言歸侍壺丘子他日來游富御風

遊武夷

是日泛小舟至雞窠岩
還遊冲佑觀

函關崎嶇走秦鹿天下並逐爭群雄扶雲翻空鰲足

折黔黎竄伏如寒蛩武夷山溪水清泚避世猶有高
人蹤龍泓東注海波涌嶺有蛟龍池世傳與海通玉女翠擁秋雲

松王女赤霄真骨寫虛鐸通泉凡筆斲非工魏王峯前有畫

鶴藏舟浮梁跨絕壑山間有小橋橋西有一小舟皆人跡不可到隱見似

與天潢通當時雞犬不復見窠巖依舊烟霞籠我來

秋杪月既望尚有幽菊埋榛叢天容洗淨雨新霽雲

幕四卷清無風掀蓬進棹窮異境注目想見流殘紅

回船杖屨躡幽徑松竹窈窕環琳宮翠琬溫辭耀華

袞褒詔有石刻金榜大字纏交龍自憐病骨掛塵網幔亭

高會何由逢解衣歸臥玉瑣碎仰看明月穿疎篷

向和卿覽余詩見贈次韻奉酬

杜陵頭白長昏昏海圖舊繡冬不溫更遭惡卧布衾

裂盡室受凍憂黎元詩入窮愁自古爾豈若種藝依

青門嗟予老懶世不用窮巷久雨無高軒虫鳴鳥噪

感時節發不恤緯羞前言殘章斷簡棄不錄自愧漢

漶無根源君胡袞字富褒飾三復妙語將誰論知君

獨負青雲器欲使飢者名長存

贈程舍人近侍入閩

路公溪上鶴法翁眼光照日顏如童厖眉垂髮有仙

骨駢集五福天所鍾螭頭暫輟三長手杖節扶輿入

悔真忽異色風怒濤翻際天黑乘陵瀨壑走魑魅溘
滴百恠誰能測忽看舟子玩行險更欲飛帆借風力
安得晴雲萬里開依舊寒光浸虛碧

遣興

嵩華千仞立不碍天地寬涇渭清濁流不離海波瀾
人生過眼萬事後記憶細故真童顏

寄游定夫

憶昨相逢鳳山趾駒隙駸駸餘半紀君趨烏府近清
光陸海驚濤漲天起雲帆大舸半摧溺艤岸得全誠
偶爾我時捧檄赴京渚放浪江湖一浮蟻談書考古

老無用哺啜糟醅咀糠粃東歸雖復有民社為禾折
腰良可恥市朝紛紛真羿彀朔幹燕弧不容擬投身
中地竟誰免未信棘端能捍矢重樓百尺卧玄德問
舍求田不須鄙早歲結鄰初有約齒豁頭童今老矣
築田預想傍田廬負耒耦耕何日始

過錢塘江迎潮

銀潢翻空際天白鯤怒鵬騫海波擊湧雲噫氣聲怒
號萬馬馳車隨霹靂低昂上下如桔槔頃刻性命輕
鴻毛賫囊負笈有夷踞一日何事常千般因思羊腸
盤九坂攀援蜀道愁沆漉人生觸處有萬險豈必此
地多風濤願言夷險不須問莫負對酒持霜螯

觀獵

貂裘白馬誰家子擁戟弦弧囊勁矢褰身欲與鳥爭
飛觸處塵埃雲四起長繩驅逐狐兔驚驕鷹掣臂流
雙睛飛揚雲間電光閃旋復草際無遺生鷲腸久厭
鮮肥餌碩盼方能伺人意但矜鼎俎有餘甘貪殮誰
憐殄生類安得淑氣山嵐秋徐令困拙同鳴鳩林間
百鳥恣孳乳雖欲繫搏無知由

寄范正甫 時討西夏

羈窮莫厭如牢圈從古功名出屠販男兒不負懸弧

心馬革裹尸猶足願君不見淮陰寄食飢貧叟一作竊取

寄食淮陰叟 胯下英風亦何有逢時吐氣雷電奔金印一作

二大如斗王門晝夜羽檄驚睥睨欲整天都城叩關

虎士鬱餘怒科頭奮戟如鷗鷹君泛壯年蘊竒策未

宜縮首藏柴荆昔人投筆真豪英慨然萬里終成名

南山白額雖欲老百獸遭之猶裂腦

吳子正招飲時權酒局不赴作詩戲之

寒爐火冷浮青烟勁風刮面如戈鋌凝陰不動天欲

雪竟日兀兀成拘攣廣文才名四十年天寒坐客猶

無羶參軍官小枝能薄寂寞冷坐誠宜然忘形杜老

偶相覓傳呼歌舞開華筵嗟予簡書固可畏不浮對

飲簷花前謾有糟漿逆人鼻汝陽口角空流涎可耐

更似蘇司業只與持三送酒錢

寄題環翠樓

記云唐君作此樓以奉親

方壺七萬神鼇連瓊臺縹緲居靈仙鯨翻海運成桑

田異境誰使夸娥遷銛鋒四面蒼圭圓巨靈巧以青

瑤鑄揉風洗雨淨娟娟脩眉浮空秀爭妍清溪回旋

瀉幽泉下有澄瀾湛洄淵繡楣雕欄欲飛翻凌切漢

道摩星躔恍如直跨須彌巔瑠璃凝光圍四天喜君

妙齡謝世喧萱堂慈顏白盈顛兒童牽衣戲踰蹊優

此樂誰與先嗟予昔以三釜懸投身世網百慮煎
今乎老矣誠可憐狙猿何用簪纓纏子雲終須守一
屣誅茅結屋總數椽薜衣雜佩紉蘭荃手披白蟬玩
青編春暉不報常歛然雖有至樂安能全

晚雨

斷霞明滅天日黝雨意晴暉爭好醜浮雲冉冉無定
姿白衣忽變如蒼狗悲風激烈河漢翻雨脚如麻飛
霰寒山深氣腥豺虎亂乾坤四合誰云寬將溪溪上
野客懶成癖怯寒手攣面如墨把盃強吞僵立歌閉
門獨愁天已黑

贈醫者鄧獻臣

池一氣猶治甄珽植萬彙隨方圓神形九藏通六
野八風中物如戈鋌天元玉冊有遺義探索始自三
皇前棄君越人不世出鑿石鍼灸誰能傳賤工增餘
損不足徃徃橫矢殘天年羨君妙齡踵其學至理隱
所常精研聞陰得陽以裨遇反視方術猶蹄筌道隅
併糞即為餌車上已有長蛇懸嗟予羸爾苦多病維
摩丈室方蕭然願君速已天下疾為予一洗沉痾痊
與將樂令會飲揖仙亭

難流斗落惟璫璣雕欄照水光如濡層巒疊嶂爭蟠

山先生全集卷之二十九
紆翠岩百尺蹲於菟何年巨人出歸墟揭竿合負神
鰲趨飄流人間峙蓬壺至今猶為僊聖居飛軒往來
誰與俱下有馴雉隨雙鳥英風爽氣凌清虛楣間新
詩露珊瑚頽余老懶與世疎欲往勾瀾嗟無徒會河
策轡追雲車無使吃口嗤癯儒

離家作二首

庚申歲作

敗葉辭故枝驚颺送微雨田廬向收穫城中啜完哺
游子欲何之道路修且阻俛首謝田父予生厭羸死

又

胡鴈依朔風群飛逐南翔遊子方北征朔風吹我裳

攬轡望雲間夜色正蒼々空羨南歸翼幽懷增感傷

過漢江

西極鰲足折東南地維傾衆流競趨下涵涵歸滄溟
誰能跨明河挽此經天行世難乘槎翁此意終冥冥

龜山先生全集卷第四十

詩三

五言律

別游定夫

龜勉吾將仕謀身力已分
漆雕慙未信子夏又離羣
慘淡交情重間閔道踈勤
至言安遠寄孤陋願頻聞

過金山

深望荆吾折清江日夜流
飛騰潮汐浪漂泊利名舟
山湧鰲番出樓噓蜃氣浮
僧窓千古意出沒看輕漚

枕上

龜山先生全集卷第四十

六十四

小智好自私小德常自足
自私開人賊自足心有目
瑕瑜不相掩君子比良玉
默默枕上思戒之在深篤

雨寒

天幕陰雲積蕭蕭雨正霖
泥污關市寂水入御溝深
破屋寒侵骨哀絃凍絕音
更愁風力健瘦怯不能禁

歸雁

天末驚風急江湖夜思長
悲鳴愁絕塞接翼冒清霜
澤岸多縉弋雲間乏稻梁
茫然栖息地飲啄欲何傷

感事

世事浮雲薄勞生一夢長
散材依櫟社幽意慕豪梁

鴻鴈鷓鴣迅霜殘草木黃
投閑如有約早晚問耕桑

過關山

牢落關山踞年來倦往還
長隨流梗泛有愧白雲閑
親遠江天外魂勞夢想間
泫然遊子淚挹盡復沈瀾

又

歲律行將暮颼風凌九坂
山深人寂寞踞遠馬虓隤
幽意泛誰展愁懷殢酒開
衰遲仍惜日投晚獨徘徊

晚泊遇雪

向曉驚風急飄零雪滿凋
氣升雲幕天遠月冥冥
寒色終無賴豐年謾寄聲
舖糟吾不慣種醉復還醒

又

寒逼歸鴻急悲鳴聲更哀舞風斜翳日帶月暗欺梅
平野光初合陰雲凍不開無聊還殢酒顛倒盡餘盃

偶成

天遠何須問勞生聽若何犁鋤三畝足栖息一枝多
白雪寧堪冒清時只浪過好尋明月影醉舞自婆娑

臨川驛偶成

冉冉朝仍暮蕭條官舍幽閉門三尺雪觸物一虛舟
虫蠹生涯盡萍漂世事浮尚思方技學多病未能休

除有感懷臨川驛

歲律已云盡思家日日深二年為客恨千里倚門心
節物羅樽俎兒童學語音眩然如在目恍惚夢難尋

又

零日乖予願親顏長在心遠遊仍換歲華髮想盤餐
永夜誰同席殘盃憶共斟相思空有淚揮洒滿衣襟

臨川道上

風雨離山驛斷橋危欲顛去心奔逸驥行路上青天
鴈亭江湖樂雲歸島嶼連悠悠遠征客千里獨茫然

旅舍書事

顛拙乖時尚支離與世殊錯漿驚御寇避席愧陽居

觸事紛難解忘形色易鋤不須修混沌機械本來無
過清溪渡

天澗江銜雨冥上客衣潭清魚可數沙晚鳴鳥飛
川谷留雲氣鷓鴣傍釣磯飄零滄海客欺到一帆歸

泛江至土坊

禹頃江湖遠孤乘一葉船雁飛雲外字蓬掩水中天
波靜櫓声息風微帆影偏回環聊注目浩蕩接清烟

秋日有懷寄後弟表民 丁伯父憂

羈旅吾方困哀思汝正煩望雲愁馬序回首憶鷓原
北圃蔬還盛東軒菊想繁飄零不相見沾灑獨忘言

和潭倅張朝請行縣言懷

夾道旌麾動陰霾萬里開霜迎威令肅春逐馬蹄來
幽壑光初滿寒荻暖自回仰窺嵩華質曾未施纖埃

又用前韻和早梅二首

楚國春歸早寒梅處、開月和清艷冷天與靚粧來
東閣詩魂動南枝歲律回蕭然冰雪態無處覓輕埃

又

星馳經行處梅花忽已開只疑春信早先擁使旂來
嫩萼紅初破寒柯綠未回凌霜半含月皎、絕纖埃

感事

邊徽無虞日王師討弗庭收功誇廟算行險毒生雲
川谷旌麾暗風塵戰血腥寂寥歸馬日日斷華陽

又

虎士水河側日聞刀斗驚氣吞沙漠盡風蕩賊巢
崩塞長年戍邊塵幾日清太平陳朽富一旅百夫

泗上

開將閉

河口平沙漲橋鳥向日斜微雲變蒼狗輕浪蹙浮萍
風勁回飛鴈林喧集暝鴉河流應未閉遲我到京華

又

蓬蓬凋欲盡岸情任
女舟香
重覆香細字花

東雲穿曉日晴樹繞飛鴉老大驚遲暮飄零惜歲華

又

聞道河流閉逢人每問律天高雲幕下風細水鱗
未種江陵橘空思千里萼且邀明月伴相對解綸巾

出京

已卯歲九月

旅泊驚秋意塵沙變客衣明星爛河漢殘月暗簾帷
風柳斜斜轉雲帆片片飛窮愁添別病衰晚意多違

言溪早起

短日催征轡聽雞踏曉霜遠山頻入望薄酒謔搜腸
湘浦蓴絲滑吳松鱸縷長何時一踈放把釣臥滄浪

漢坂舟行

曲岸通幽徑疎籬映竹斜
塢深藏吠犬林薄露人家
石瀨魚偏美鄰村酒易賒
祗應雲水富自是一生涯

席太君挽辭二首

賢配無前古傳家有子賢
四靈來薦瑞一鷄已摩天
蒿里迷長夜悲笳慘暮烟
蕭蕭原上路猶想駕雲軒

又

稟粹猗蘭秀來嬪洛水濱
一窺識公輔三徒得儒真
畫翥流雲氣松阡卧石麟
哀榮今日事誰復繼前塵

湘君祠

鳥鼠荒庭暮秋花覆短牆
蒼梧雲不斷湘水意何長
澤岸蕪葭綠籬根草樹黃
蕭蕭竹間淚千古一悲傷

新湖夜行

平湖淨無瀾天容水中煥
浮舟跨雲行冉冉躡星漢
烟昏山光淡梳動林鴉散
夜深宿荒陂獨與雁為伴

哀鴻

哀鴻常苦飢悲鳴垂其翼
朔漠曉霜寒江湖晚烟暮
乾坤一網苦高飛亦何益
日暮無與群驚風暗沙磧

鄒公輓辭二首

一伏青蒲上三年瘴海濱
泉甘不出戶

公謫南方所居無水庭中

龍山先生全集卷之四十五

甘泉忽湧客醉豈無神公在謫所忽有醉言公報國心將婦翌日赦至果得歸長在知恩志未伸公所居堂名知恩追懷盡絕語空有淚盈

巾又

舊德今誰在雕零已不多雲天開日月陸海自風波空嘆與齡夢難留曳杖歌生平濟川意無處問施羅

公嘗有與齡之夢

冬曉

著瓦霜華冷暝空曉霧均氣昏難見日風過易生塵洗硯冰紋破憑爐火色春莫嫌寒尚薄雨雪更愁人

龜山先生全集卷第四十一終後學徐夢麟賢刊

龜山先生全集卷第四十一

詩四

七言律

登桐君祠堂

昔有隱者結庐於此人間其姓指桐樹示之故號桐君

霜染溪楓葉葉丹翠鱗浮動沙波閑盤盤路轉千峯表冉冉雲扶兩腋間掠水輕鷗晴自戲凌風飛鶴不爭還結廬姓字無人會靜對庭陰一解顏

巖松

婆婆千尺倚巖巔隱隱虬姿拂遠烟尤喜地靈泉味潤獨愁天濶畫陰偏孤根礙石盤彌固直榦凌霄老

益堅臃腫不須逢匠伯散材終得盡天年

和鄭商老下弟

雨餘新惹一番愁展轉衾寒客思悠獻璞又添吟
恨登科空負昔人羞林泉水石君先到京國風塵
尚留若為浮名苦憔悴前春行釣巨鰲頭

穎昌西湖泛舟

游賈丞相曲水園

扁舟乘興謾追尋踈轉河回入柳陰拂面落花春
盡避人幽鳥野情深漸無健思供吟筆賴有寒光
客心日暮倚風歸棹急一鈎新月掛瑤岑

春過鶯花無處尋移舟行近古城陰褰衣水上取

片傾耳技間覓好音山隔曲堤迷遠近魚跳文藻亂
浮沉飄然自得江湖趣陡起歸與萬里心

送丁季深

烟含疎柳綠蒙茸杏頰桃英入眼紅解近與君逢臘
雪飄零獨我過春風空愁轉轂音塵遠且寄離懷笑
語中後夜月明人寂々相思那復一樽同

蘄州早起

城頭雷動角声哀似共行人怨落梅欲報晨炊未
熟喚回殘夢眼驚開霜清暗覺貂裘冷月淡空令色
犬猜倚杖起肩風正慘紫微繚繞俯三台

合江亭晚眺

倚杖鉤簾兩水間
晴光飛影上雕欄
帆催畫鷁搏風去
雪吐銛鋒作劍攢
平野烟浮迷遠目
晚溪潮漲失前灘
騎鯨一往扶桑近
休問人間行跡難
含雲晚歸寄真師

每扣禪關即晚歸
塵中回首萬緣非
不愁幻翳迷心地
且聽潮音振祖衣
歸路往來無別徑
夜光清徹有餘輝
虎溪舊社知重約
陶令如今已息機

遊玉華洞

蒼藤秀木遶空庭
疊石層巒擁畫屏
混沌鑿開幽竅

遠亘靈分破兩峰
青雲藏野色春長在風入

易醒採玉遺蹤無處問
擬投簪紱學僊經

次韻思睿見寄

聖賢千古愧難攀
力學方憂敢自閑
願我久拋聲迹外
慚君猶掛齒牙間
平生拙計心長在
解帶高風志未還
捧檄于今非得已
謗勞魂夢遶溪山

次韻蔡武子書懷

放形鋤色恐成光
斲聖能令鼻不傷
自信放魚真得計
却憐挾策亦止羊
刃投有間多餘地
語到無言輒自忘
矇擾世紛何足問
松窓終日獨徬徨

感懷寄鄉友 時在處州

漫浪人間已十年簿書擾擾日羈纏
朱公謾有千金璧季子初無二頃田
籬下蹲鴟餘晚實雲間紫鷲本
新拳淹留寸祿空回首一望鄉關一
悵然

贈致政楊孟堅宣德

孟堅歷三世不改官而子各有第宅故以楊陸

子雲論薦有王音

孟堅累為達官所薦

陸賈年來老境侵自守

一官歷三世退令諸子分千金平生器業成幽夢
白首功名負壯心賴有新詩輕萬戶未須投綬嘆堙
沉廣文官冷竟誰憐空負才名四十年
孟堅及第蕭散已四十年
欲尋濠上侶飛揚還作酒中仙龍章繡紱榮何在

覽論巾靜自便遙憶瀨溪風物好勝遊
應不愧斜川

寄湘鄉令張世賢

身游羿彀偶相逢安得初終若駢蛩
道學未容窺與吏師應許叩隣封
蕭條此意君誰問落托微官我
更慵盧白回茲真戲事傍觀無用氣
填胸

縣齋書事

朱顏凋盡鬢鬢繁世路低回老益慙
偶影獨游野造談書不輟竟何堪
神爐默默金徒踊
一作天君
蠅蛭紛紛夢正酣誤把此身櫻世網
自纏微纒信和

五

次韻錢帳計

駸、義馭定難羈過隙馳九日夜馳但見光陰如掣
電却尋稽覽已當暮飛黃汗血空千里秋鷲乘風
一時芝草鳳凰真美瑞清名應有退之知

和張侔行縣

江浮疊嶽弄清輝雲外冥鴻江上歸擊目自多幽
在揮毫時見彩牋飛應愁零雨侵星駕好為援
晚暉帝室正須調鼎鼎動移寄語不須譏

泂幹游光大示羣老

山橫香靄有無中疊觀層臺一梵宮萬軸琅函
...

杜口數聲啼鳥正談空溪雲抱影侵行屐香篆飛烟
襲晚風薄宦羈人如按帽自慙來往苦匆匆

王簿清輝亭

黛染烟螺拂檻低抱城流水綠逶迤澄瀾碎影搖青
鏡斜日流蜂隱半規坐上盈樽無俗客壁間照夜有
新詩登臨已動忘歸興况復清談足解頤

寄長沙簿孫昭遠

時似不催
積欠被劾

陽城衰晚拙催科闔寢空慙罪亦多祭龜請憐君
遣載醪祛惑我誰過猗猗庭有蘭堪佩寂寂門無
可羅歸去好尋溪上侶為於纓紱換漁蓑

安禮以宏詞見勉奉寄

吏部文章世所珍終慙無補實精神浮名膺外增
贊薄宦戈頭寄此身養志吾方同那曼談書誰
山賓自憐坐頃二遺矢衰晚那能用楚人

秋晚偶成二首

纖纖晚雨洗秋容連樹蕭然策策風萬籟自鳴
外四時長在不言中坐臨流水襟懷冷卧對浮雲
慮空寂寞一廬吾自適客朝泛更議揚雄

風飄浙瀝開諸鄰却掃衡門澗世塵天氣清明秋意
慙夜尤浮動月精神流年漸覺侵雙髮生理泛來村

大鈞臨水便同濠濮地怡然忘為自却人

席上別蔡安禮

故里相看眼暫明一尊聊此話平生

縛元亮今為世經櫻長路關山苦丘壘春風梅嶺子

南征結鄰一作莫負當時約早晚滄浪共濯纓

次韻安禮見寄

末俗相看老尚新交游千軍更誰親蕭條身世聊安
分迂濶行藏懶徇人宦路競蓋關祈吏勞生誰息利
名身我慙抱甕無機械幽興惟思水石濱

冬寒兩齒忽覺動搖因成書懷

未年三十髮先彫歲晚俄驚兩齒搖都為踈慵成計
拙直緣衰病覺形焦連經宿雨重裘冷旋莫藜羹野
興饒擺脫塵樊猶未得不堪回首問漁樵

書懷

駁、塵土久方還直道謀身力愈難靖節每嗟嬰世
網曼即何意出人間風驚駭浪潛鱗伏竹隱灣磯翠
羽開好去枝藜穿蠟屐伴雲隨月弄潺湲

汴上聞開川堤

天上行雲盡白衣半街晴日在林扉盤花落雁驚殘
一啄食飢鳥愁不能飛偷羨青錢飄已盡月堤流水滿

相園征途處、塵隨眼多病長年與世違

陳留書事

烏檣風纜欲飛翔拍岸驚濤挽不前曲浦漲沙仍積
凍疎林斜日自生烟崎嶇道路真堪笑放浪江湖已
判年一枕晝眠無好夢空慙邊老腹便

予自長沙還植蘭竹於東西軒調官京師逾年
而歸蘭竹皆衰悴感而成詩已卯

柴桑衰晚愛吾廬三徑歸來手自鋤但得叔卿長飽
飯不妨孝若老談書蘭因採佩枝先瘁竹為凌霜葉
自疎留骨廟堂寧曳尾魯門無用祀爰居

和李白游武夷

濃淡烟鬟半雨一作晴溪光初借晚霞明鼇頭湧出

三峰秀三層峯最天漢融成一鑑清魏王峰頂有天鑿池粉

有誰藏舊謀賓雲無處問遺聲慢亭寂寞仙何在勾

漏丹砂早晚成

荊州書事 二首

江湖泛泛一虛舟去作人間浪漫游歲晚光陰雲冉

冉畏途風雨日浮浮萬鍾信是樊中雉一棹聊同水

上鷗投老蘧一作成底事憑誰為種橘千頭

千里瀕江地可毛結廬何必故山椒載膠不過斜

踏飲水誰同陋菘瓢勿問雞虫閒得失但知鵬鷁各

逍遙黃塵滿眼僧窓靜坐對風花意已消

天寧節

祥開若水射瑤光淑氣先春景自長玉陛風閑飛綵

綬綬爐烟暖襲珠囊千秋節賜綵綬珠囊雲門羽鶴

儀仙仗天上蟠桃薦壽觴已見晶輝環帝座定應垂

照菲宮傍為宮傍一星八主壽星也

閑居書事

虛掩幽草翠相環默坐頽然草色閒玩意詩書千古

近放懷天地一身閑疎窓風度聊歌枕永巷人稀獨

掩關誰信紅塵隨處淨不論城郭與青山

直舍大風書事寄循道

枕書無寐首空搔萬竅嘯風正怒彌雪意浮空迷遠
日月林梳影見秋毫幽萍所藉惟荒草妙理應須付
濁醪誰念維舟江上客落帆千里壓雲清

和席季成遊金鑿寺

朱甍碧瓦照孤城杖履翛然野色清
穀捲水風輕漾珠翻荷雨自虧
魚勝將已覺非人境妙語寧須
王英願借金篦聊適目不容幻翳有纖萌

送王克道遊三茅廬

荆吳相望各天涯千里柴車鹿自隨解轡定應春

日及歸直待鶴來時

三茅中峯每歲八月十七日
鶴至克道當候見物乃可回

聖賢負博中渌日月長為物外淫若過匡廬訪真

隱卧龍菴下有期願

卧龍菴有劉道人
人言百歲壽

春日有懷諸友

憑几無聊晝掩扉芬々晴氣減春衣
隔簾相應鶯初語背日連飛鳥
北歸莫逆交游千里別遠來音信
西年稀追尋舊事成幽夢觸物心
行事々非

望湖樓晚眺

斜日侵簾上下鉤簷花飛動錦文浮
湖光鷺出千

秀天影融成十里秋翠鷓翻風窺淺水片雲隨意
滄洲留連更待東窓月注目晴空獨倚樓

次韻晁以道 庚寅年出京

誰能載酒尋元亮共寄一作無何作醉鄉便好收

事農圃不須驚世露文章壺中日月春長在塞上

塵客自忙千里同風無遠近亦分秦隴與瀟湘

和錢濟明游官園 常州

虛舟觸物本無意看花得句慚非才名園古寺尋春

色不暈勿認雙魚鯉是日與濟明過遊諸平諸木奴

千頭比封大買付與江風催因思萬點愁人處何

似酒庭金作堆

蘇子美詩洞庭洲熟客分金

過吳江

天水相涵翠有餘玻璃萬頃接方壺山浮晚照清如

洗風遠飛帆細款無漫叟未應甘皂櫂散人終欲傲

江湖維舟况值鱸魚美膾疊銀絲飫腹腴

南歸書事

浪漫人間壓客塵衡門長憶鎖榆枌忘言擬盡輪人

妙陳迹慵尋史籀文萬里功名心獨冷一廛耕鑿力

能勤舊遊欲問南歸趣寂寞吾今過子雲

寸碧軒

隱、遙山列畫屏，蒼閒寸碧與雲平。低回席上遺簪，
露彷彿，墻東翠黛橫。虛景遠，涵千里，色暝暉仍借。一
溪清。春風景物知多少，可稱收身樂此生。

冬早書事

竊宜誰為宰，爐鉅榮謝唯知歲序催。臘日未經梅已
綻，春風尚遠凍先開。愁無潤澤，芳樹獨有餘寒着。
死夢收盡浮雲天，愈淨夜深猶起望三台。

齒落書懷

身上蕭條事，空齒牙凋落勝衰翁。渴心尚欠冰凌
研病骨，長思藥力攻文几。倦親塵土暗斷編，慵理

魚封南林穩卧陶公宅，枕上悠揚一榻風。

龜山先生全集卷第四十一終

龜山先生全集卷第四十二

蘇一附屬

龜山先生全集卷第四十二

詩五

七言絕句

書懷 少作

敵裘千里北風寒
還憶簞歌陋巷安
位重金多慕直緣
三釜慰親歡

端午日 少作

悠悠南北各天涯
欲望鄉關眼已花
憶得親庭語應憐
遊子未還家

諸宮觀梅寄康侯

龜山先生全集卷第四十二

欲驅殘臘變春風只有寒梅作選鋒莫把疎葉
雪好藏清艷月明中

勉謝自明

少年少學志須強得失由來一夢長試問邯鄲
客人間幾度熟黃梁

臘月見桃花

脂臉輕勻作艷粧未應潔白似梅香天紅不見
櫻纔向春前取次芳

過蘭溪

紛紛朝市競秋毫江上霜風正怒排不問揚
灤與

浪翩然東下日千般

夜雨

似聞疎雨打蓬聲枕上悠揚夢半醒
明日覺來渾不記隔船相語過前汀

重經烏石浦

夾屋青松翠藹中去年經此亦匆匆
重來烏石岡頭路依舊松聲帶曉風

江上

寒雲暮々結秋陰月淡霜娥冷不禁
更祝江波休蕩漾莫令清影碎浮金

卷之三十一

淮上獨酌

暮歲晚雨洗輕塵天淡雲浮夜色新
賴有麴生風味好不須數月在三人

吳國華暗香亭

設愁青女妬新粧已有風傳處處香
試問隱鱗溪上客欲將春色若為藏

虛心亭

山橫鰲背碧巖坑亭對浮絃綠縹緲間
拾遺記蓬萊山有浮綺之翰葉
蕭散誰為三徑侶祇應長共白雲閑

容照巖

清荷出迥在巖壑一六時兀破晚陰刺草未容忘魏
朗故舊長有千年心

藏春峽

山衝幽徑碧如環一壑風烟自往還
不似武陵流出水殘紅那得到人間

綠陰亭上 吳先生家

沙遠幽鳥傍清漪龍下漁船逐浪歸
身在朝川圖畫裏晴空惟欠雪花飛

病中作

通衢隔轍斷經過門巷空無雀
可羅驅去兒童卧處

室蕭然惟一病維摩

春波亭上

我頭飛蓋映朝暉
白曉時人與未移
安得魯陽酣
手為留義叔更遲

安禮以宏詞見勉因成絕句奉寄

高鍾身外一牛毛
斗祿紛紛漫自勞
窮通寧為復
笑未容仰首試鳴騶

感事

築麻腹地想秦荆
騎士西來卸戰
履藜藿陋儒心
更鄙但思干羽舞虞廷

藍田溪上

夾籬桃李趁溪斜
淺々清流映落花
欲問武陵源上
路度雲穿石認胡麻

白公草堂

爐峰裊々曉烟輕
雲入屏幃一枕清
高興自應無世
累獨於妾馬未忘情

久辛

農郊阡陌起黃塵
望斷天涯絕點雲
踈懶無情訟風
伯幽窓時讀退之文

過七里瀨

龍川先生集卷之四十二

拂雲高鴈倚風搏下視平湖萬里寬搔首扁舟又東
去錢塘江上看波瀾
扁舟東下幾時還一席飛帆插羽翰回首嚴陵臺上
月清風千古逼人寒

勉懷

紛紛於我未忘情踈懶多應捨怨憎便好世間師
柳惠不須巖下問孫登

梭山候潮

十一日潮起信是日潮小不到

向晚牛羊沙岸歸落帆烟浦候潮時誰言江上須忠
信潮到于今自失期

徐郎廟

古廟靈場枕碧巔松楸依約鎖風烟羽毛一去無消
息隨落人間幾百年

送陳幾叟南歸

三首丙戌年

連牆東郭倦追尋高卧毗耶老病侵自愧屠龍真拙
技謾令吾子費千金

霾風靈雨濕征裾隔雨樓臺半有無南去定逢韓閣
老歸愚當見問夷塗

是時幾叟過四明見了翁

幾年夢想到親闈身逐行雲萬里飛茗水未殊沂上
樂春風無負舞雩歸

初授餘杭

和陳莖中了齋自警六絕

書前有易方知易曆上求玄恐未玄白首紛如成底
事蠹魚徒自老青編

八荒同宇混車書一視那知更有渠憑拭自應由砥
道徑蹊無處問歸歟

行藏須信執中難時措應容道屢遷一日全牛無肯
綮駘然投刃用方安

造次欲安嗟孰是參前無物若為書蕭條此意人誰
問興廢由來命也歟

聖門事業學須疆俚耳從來笑折揚詭遇得禽非我

事但知無有是吾鄉

盆科日進幾時休到海方能止衆流尺恐達多狂未
敢坐馳還愛鏡中頭

附了翁自警

本無一字堯夫易八篇楊子玄今古是非那
復辨仲尼尤不廢常編

文章難寫伏羲書字外成篇始見渠賜也欲分可
不可一語居士只如愚

過時不易始為難執處那知是變遷度盡千山無
鳥迹不勞傳語報平安

手在何憂方力羸巧窮那得必穿楊太和有味人
人飲誰識醒時是醉鄉

仲由行行終身誦師也堂堂帶上書五柳却能知
此意無弦琴上賦歸歎

只說為山不說休山成日夜水橫流惜哉覆篋成
來復只欠當初一棹頭

閑居書事

輕風拂拂撼孤檉庭戶蕭然一室清隔葉蟬鳴微欲
斷又聞餘韻續殘聲

送席二伊川壻

振衣夫席想多聞高節應能與俗分不用卑飛入
谷定知喬木在青雲

寄游定夫

在穎昌從明道先生

絳帷燕侍每浚容一聽微言萬慮空却愧猶懸三釜
樂未能終此挹清風

蕭條清穎一茅廬魂夢長懷與子俱五里橋西楊柳
路可能鞭馬復來無

合雲寺書事六絕句

獸駭禽鳴翳蔚中難將此意問鴻蒙紫田小徑蒼苔
滑欲履從今恐不通

比山山下一漁翁形解心疑骨已融
支枕睡餘人寐寂一軒明月滿窓風

山前咫尺市朝賒垣屋蕭條似隱家
過客不須攜鼓吹野塘終日有鳴蛙

爽屋青松長數圍平風搖影舞傲
幽禽葉底鳴相應時引一作殘聲過別枝

竹間幽徑草成圍藜杖穿雲翠滿衣
石上坐忘驚覺晚山前明月伴人歸

蝶夢輕揚一室空夢田誰識此身同
窓前月冷松陰碎一枕溪聲半夜風

荷花

照眼紅雲闌晚霞重青蓋半傾斜
會須直跨三千伊移取峰頭十丈花

空春溪

斜：疎柳照清漪藉：殘紅自滿蹊
刺眼藤梢牽石斷歌尋流水路還迷

宜春道上

艷杏天桃日日稀空餘淑氣尚遲
誰人為作留春計莫放風花自在飛

過豐城

清江渺渺綠浮天，博物無人繼昔賢。應有斗間靈氣在，誰能更與斲龍泉。

劉陽五咏

涸淵浩蕩白鷗飛，老懶時來坐釣磯。岸傍行人聊自道，不應憔悴似湘纍。右涸水

簾捲晴空獨倚欄，官鴻點點有無間。秋風注目無人會，時與白雲相對閑。右歸鴻閣

芙蓉彫盡惠蘭芳，杖屨脩然一曼郎。鳧短長窺石，一作無足問但知鵬鷄兩相忘。右飛鷄亭

不條疎蔓綠交加，烟鎖雲深去路賒。繡綉貂緞

問空餘雞犬兩三家，右相公臺

聖童去後水雲閑，陳迹難尋草木間。獨有微言傳

史洞天寂寂，一作從此在人寰。右洞陽孫思邈修真

縣齋書事

簿書投老豈身謀，朱墨紛々晚即休。平世功名歸後禹，一瓢吾欲慕巢由。

一去人間二十年，空餘飛雪上華顛。清時最有求田樂，未愧陳登榻上眠。

青名於我兩悠悠，形影相忘懶贈酬。擬把一竿滄海去，一作不應沙澹然清世一虛舟。上有驚鷗

醴陵丁君洋洋亭

依蒲沫藻兩相忘宛有江湖氣味長
憑檻脩然真得訂祇應幽興在濠梁

安西聞捷

三首 呂吉甫持節

鷹揚塞外得非熊萬里金城一箭通
玉帳投壺隨燕豆坐看飛將縛驍戎

將軍新擁節旄閑紫塞雲浮豹尾斑
白首邊城休望馬蹄未出玉門關

雅歌不待米天馬謝質今應閉玉門
早勒勳名正嵩放回春色滿乾坤

出尉氏

隔林殘雪弄輕風日射晴光玉縷紅
桃杏渾如梅欲綻直疑身在故園中

感事

權門車馬日紛紛寂寞多應笑子雲
玄白定知非世尚鮮嘲那復彊云云

過廬山遇雨

江風吹雨逐人來行過山前首重回
絕頂隔雲看不見石稜崖角獨生荒

題詩長老壁

維摩病士意超然
過腹便便但晝眠
共說平時忙底事
烹茶煮藥過殘年

東林道上閒步三首

寂寞蓮塘七
百秋
溪雲庭月兩悠悠
我來欲問林間道
萬疊松蘿自唱酬

百年陳迹水溶溶
尚憶高人寄此中
晉代衣冠誰復在
虎溪長有白蓮風

碧眼龍眉老比丘
雲根高卧語難酬
蕭然丈室無人問
一炷爐峰頂上浮

江上夜行赴荆南道

江上夜行赴荆南道

不盡歡濫接天浮
月色雲光寸寸秋
不用矣
桂馬東海一江星
漢擁行舟

過石首謁縣官回有作

五年十一月

萬事紛紛醉即休
無功可作酒泉侯
誰能載取千缸去
且向舟中打拍浮

直舍書事

鱗池面水初生萍
底青蛙自在鳴
誰使幽庭當鼓吹
雨餘時聽作新聲

登峴首阻雨

時自荆南入京

翠公風績幾經秋
獨遠龜蛇為少留
欲問荆人尋舊

事一江清泚自東流

江浮雲影抱層欄雲外青山一水間盡日倚闌看不

足杖藜欲去更回還

江風飛雨上雕欄庭樹蕭蕭景自閒向晚微雲遮不

盡好山渾在無間

庭前古木已經秋天外行雲暝不收倚杖却尋山下

路一川風雨濕征翰

春早

雲天暮暮漏微光疎懶惟添睡思長枕上隔籬聞鳥

語半殘春夢更悠揚

此身如幻病何傷白日無人景自長寄傲南窓容膝

地時時飛夢一作清夢到羲皇

過篔簹日晝如燔睡轉庭陰始一反縱有諸人來問

疾昆即居十已忘言

寄形一榻日遽然倚杖支頤髻指天莫逆過門無子

祀時亦鑑并自研澣

古禱朝菌已忘年貧病空須更問天石彈不妨隨物

化自求鷄炙自應便

病起

竹風帶雨作秋聲半睡惟聞鳥雀爭老病衰殘惟骨

龜山先生全集卷之四十一

題陳宣事烟波泛宅

忘懷纓紱寄浮居來泛烟波
上為君正櫓作艤艤

偶成

綠髮潛驚老境催更憐素髮
紙裏問崔唐絕頂

悠揚春夢成烟雲
盡浪平風過者無

卷之四十一

玩釣徒我欲他時清洛

因低田但知周道平如

上



跋

龜山先生文集後語

後學豐城李瑄撰

東南理學倡之有宋者龜山揚先生
倡之我

朝者康齋吳先生二先生之學大畧尚
躬行而寡著述而出處一節則有就

有不就焉余以二先生皆誦法孔子
龜山先生當微欽積弱之時國勢不
振凡在忠臣義士孰無尊主庇國之
心苟可以就當委曲以赴功名之會
此以可而學孔子者也康齋吳先生
當

英廟復辟之初

剛明在御即石亨寵任方隆亦逆知城
狐社鼠終無能為故堅去以全晚節
此以不可而學孔子者也易曰或出
或處二人同心此之謂矣龜山先生
固已從祀孔廟而康齋先生猶然宮
牆外望誠

昭代一缺典也且白沙敬齋二先生俱

康齋先生高弟白沙敬齋以言官以職祀而康齋先生之祀獨缺焉弗講豈事固有待歟余嘗謂康齋先生以布衣興起斯文其精神氣力當不在孟子下龜山先生之集得林令之刻而全林令行有省臺之責者將無意于康齋先生乎余因跋龜山先生之集

而併及康齋先生之出處以俟夫知言者

明萬曆十九年歲在辛卯閏二月朔日

明倫彙編 家範典 卷一百一十五 家範典 卷一百一十五 家範典 卷一百一十五

言

而後及於此書先生之出處心跡夫

山先生全集後敘

後學海陽林熙春謹

夫有宋來理學稱東南矣而要之東
南理學至千萬禩推為鼻祖者夫誰
與歸哉龜山楊先生產閩巖邑去洛
蓋六千里餘矣風氣阻絕與環齊魯
而居如七十者如三千者遠邇真天

壤然先生乃度樵川涉盱江泛彭蠡
泝江而漢而汝以逾于洛數年師事
伯子即嚴寒深雪跬步不離比歸而
伯子且目送之曰吾道南矣自是而
豫章氏延平氏元晦氏為東南正宗
者孰非始自先生耶先生之晚出也
後生少年猥有臆議此未度于時耳

宋式微滿朝和箴誰為砥柱先生
力持恢復書至六七上而無少變其
說倘所稱善學孔子而庶幾不磷不
緇非耶君子曰使當時盡用其言亦
須捱得一半真知言矣先生之學之
所自来有諸名公敘在不敢贅第其
集僅存什一即薦生地猶爾謂續先

範後何余自官司理家得繕本為卷
四十有二為篇七百有九為字約二
十一萬八千有奇迺告表章事所部
督學使耿公報可而鄉之縉紳若楊
若揭若張若徐等各助貲至若干金
遂召剖劂而付諸楮木蓋始工於庚
寅八月脫板於辛卯二月書成上之

大中丞趙公趙公經文緯武餘復
校交若豕焉以布諸八閩百世之下
考東南流派得以溯宗及祖者則此
書實左券也雖然先生特理學為世
真儒耶自試令而直閣所至有用匪
屬空譚今余髮駸駸長無聞猶幸交
先生闕里也倘吏先生闕里輒夷鄙

皇朝文獻通考卷之...

闕里之生生息息者即盡取逸辭
語裒之恐亦無當先生矣是為叙

萬曆十九年歲在辛卯三月朔日

